

**BOSNA I HERCEGOVINA - БОСНА И ХЕРЦЕГОВИНА**

*Agencija za razvoj visokog obrazovanja  
i osiguranje kvaliteta/kvalitete  
Bosne i Hercegovine  
Banja Luka*



*Агенција за развој високог образовања  
и обезбјеђивање квалитета  
Босне и Херцеговине  
Бања Лука*

*Agency for Development of Higher Education and Quality Assurance of Bosnia and Herzegovina*

Broj: 05-33-1-389-8/23

Datum: 21.03.2024.godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku **akreditacije studijskih programa u klasteru iz oblasti filozofije Filozofskog fakulteta Univerziteta u Tuzli**, a na osnovu mišljenja Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji studijskih programa u klasteru iz oblasti filozofije Filozofskog fakulteta Univerziteta u Tuzli (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i obezbjeđivanje kvaliteta (u daljem tekstu: Agencija) daje:

**PREPORUKU**

o akreditaciji studijskih programa u klasteru iz oblasti filozofije Filozofskog fakulteta Univerziteta u Tuzli, i to:

- 1) Turski jezik i književnost I ciklus studija**
- 2) Njemački jezik i književnost I ciklus studija**
- 3) Njemačka književnost II ciklus studija**
- 4) Metodika nastave njemačkog jezika II ciklus studija**

**O b r a z l o ž e n j e**

Ministarstvo obrazovanja i nauke Tuzlanskog kantona dostavilo je 04.09.2023. godine Prijedlog članova Komisije domaćih i međunarodnih stručnjaka za klastersku akreditaciju studijskih programa prvog i drugog ciklusa studija Filozofskog fakulteta Univerziteta u Tuzli, broj: 10/1-34-02444-1/22 od 30.08.2023.godine, a kojim je predložen minimalan broj članova Komisije stručnjaka po svakoj kategoriji. U prilogu pomenutog Prijedloga, pored propisane dokumentacije potrebne za provođenje postupka klasterske akreditacije studijskih programa dostavljen je i Zahtjev za klastersku akreditaciju studijskih programa prvog i drugog ciklusa studija Filozofskog fakulteta Univerziteta u Tuzli, broj: 01-4096-1/23 od 19.07.2023. godine, i to za Turski jezik i književnost I ciklus studija, Njemački jezik i književnost I ciklus studija, Njemačka književnost II ciklus studija, Metodika nastave njemačkog jezika II ciklus studija. Nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog

[www.hea.gov.ba](http://www.hea.gov.ba), e-mail: [info@hea.gov.ba](mailto:info@hea.gov.ba)

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

obrazovanja u Bosni i Hercegovini („Službeni glasnik Bosne i Hercegovine“, broj 100/11 i 26/19) (u daljem tekstu: Odluka o normama), u skladu sa članom 49. alineja 4) Okvirnog zakona, Agencija je imenovala Komisiju stručnjaka Rješenjem broj: 05-33-1-389-2/23 od 14.09.2023. godine.

Dana 06.01.2024.godine od strane Komisije stručnjaka dostavljeni su izvještaji Komisije stručnjaka. Postupajući u skladu sa Instrukcijom o načinu davanja preporuka o akreditaciji o akreditaciji preporuke o akreditaciji visokoškolskih ustanova i studijskih programa i naknadnom izmjenom pomenute Instrukcije (u daljem tekstu: Instrukcija), Komisija za davanje preporuke je razmijenila stavove i zapažanja, te zaključkom predložila direktoru Agencije da postupi u skladu sa članom 7. stav 2) Instrukcije, a na osnovu kojeg se traži dopuna dostavljenih izvještaja, a sve to kako bi se ostvarila svrha i ciljevi vanjskog osiguranja kvaliteta.

Dana 12.03.2024. godine Komisija stručnjaka je putem elektronske pošte dostavila tražene dopune izvještaja, koje je Komisija za davanje preporuke, Zapisnikom broj: 05-33-1-389-7/23 od 21.03. 2024. godine, konstatovala, te je utvrđeno sljedeće:

- formalna cjelovitost izvještaja,
- da su izvještaji napisani na jednom od službenih jezika u Bosni i Hercegovini i na engleskom jeziku, te
- da su u skladu sa Odlukom o normama i Odlukom o kriterijima za akreditaciju studijskih programa prvog i drugog ciklusa studija u BiH.

Komisija za davanje preporuka je nakon individualnog analiziranja dostavljenih izvještaja, a u skladu sa zadacima Komisije za davanje preporuka propisanih Instrukcijom, razmijenila stavove i zapažanja, te zaključkom predložila direktoru Agencije da postupi u skladu sa članom 5. stav (1) Instrukcije, a prema Mišljenju o ishodu akreditacije klastera studijskih programa Filozofskog fakulteta Univerziteta u Tuzli.

U skladu s Odlukom o normama, Komisija stručnjaka je u pomenutim izvještajima ocjenila ispunjenost svih deset kriterija kao potpuno ili znatno ispunjeni, kako je to propisano Odlukom o normama, za studijske programe kako slijedi:

- 1) **Turski jezik i književnost I ciklus studija**
- 2) **Njemački jezik i književnost I ciklus studija**
- 3) **Njemačka književnost II ciklus studija**
- 4) **Metodika nastave njemačkog jezika II ciklus studija**

Visokoškolska ustanova bi trebala po prijemu rešenja o akreditaciji svakog studijskog programa detaljno analizirati preporuke Komisije stručnjaka i napraviti Akcioni plan u skladu sa Odlukom o normama i propisima nadležne obrazovne vlasti.

Akcioni plan treba da obuhvata:

- imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima,
- vremenski okvir za realizaciju preporuka kao i potrebne finansijske i ljudske resurse,
- definisane mjerljive indikatore za praćenje realizacije Akcionog plana.

[www.hea.gov.ba](http://www.hea.gov.ba), e-mail:[info@hea.gov.ba](mailto:info@hea.gov.ba)

Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, daje preporuku nadležnoj obrazovnoj vlasti da izda rješenja o akreditaciji za **navedene studijske programe** te ista dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH, a sve u svrhu upisa predmetne visokoškolske ustanove u Državni registar akreditovanih visokoškolskih ustanova u Bosni i Hercegovini.

Direktor

  


Prof. dr. Enes Hašić

Dostaviti:

- *Ministarstvo obrazovanja i nauke Tuzlanskog kantona*
- *Univerzitet u Tuzli*
- *Sektor 05*
- *a/a*

